

Lider di MEP, Evelyn Wever-Croes

Investigacion riba destruccion di graf di Betico Croes no a wordo para

ORANJESTAD- Durante ultimo dia parlamentarionan di AVP a cuminsa difundi e noticia cu famia di Betico Croes lo a pidi pa para e investigacion riba e destruccion di e graf dia 17 di april ultimo.

E noticia aki ta falso, y mas bien ta ilustra e nivel di consenshi di e parlamentarionan aki. Parlamentario Evelyn Wever-Croes a duna e siguiente reaccion den number di famia Croes.

"Na prome luga articulo 155 di nosCodigo Penal ta stipula cu destruccion di graf ta un "MISDRIJF" con-

tra orden publico. Consecuentemente e no ta un asina yama "klacht delict" y ministerio publico mester investiga; ningun famia por pidi pa no sigui cu e investigacion pasobra e no ta un klacht delict.

Den e caso specifico aki NINGUN miembro di famia di Betico Croes a acerca ministerio publico pa nan stop e investigacion, ni e yunan, ni e rumannan.

Como famia nos ta decepciona cu no tin movecion den e investigacion aki. Nos ta spera cu prome cu Dia di Betico Gobierno por

duna un update di e investigacion.

Mi ta urgi esunnan cu ta difundi e mentiranan aki, pa pensa miho prome cu haci esaki. Especialmente e parlamentarionan cu ta hasi esaki. Parlamentarionan di AVP mester corda cu nan mester duna ehempel, y no por ta cana rond haci tipo di redashi asina.

Aparte cu nan ta muestra con bobo nan ta, tipo di cosnan asina bo no ta haci wega cune. E por trece hopi odio den nos comunidad, y esey no ta beneficia ningun hende."□

